

BAB LIMA: KESIMPULAN DAN CADANGAN

5.1 PENGENALAN

Berdasarkan analisa dapatan yang telah diperolehi dan dibincangkan di Bab 4, terdapat beberapa cadangan dan penambahbaikan boleh diperolehi bagi menambahbaik penyelenggaraan landskap di Taman Tasik Permaisuri agar menjadi mampan dan berkesan. Selain itu, ia juga dapat mengenalpasti hasil dan keputusan matlamat serta objektif kajian terlaksana dengan jayanya ataupun tidak. Di samping itu, ketika melaksanakan kajian lapangan tersebut terdapat beberapa halangan yang dihadapi

5.2 PENCAPAIAN MATLAMAT DAN OBJEKTIF KAJIAN

Analisa dapatan daripada keputusan yang telah diperolehi melalui kajian ini menunjukkan bahawa hasil dapatan telah mencapai objektif seperti yang ditetapkan pada awal kajian ini.

Hasil kajian ini telah menunjukkan bahawa objektif utama telah tercapai di mana keberkesanan penyelenggaraan landskap dapat dikenalpasti melalui tahap kepuasan pengunjung di Taman Tasik Permaisuri. Ianya dapat diukur melalui beberapa faktor atau pembolehubah yang telah dikenalpasti melalui tiga (3) objektif umum iaitu melibatkan keadaan landskap, kemudahan dan kebersihan lanskap di taman awam itu sendiri.

Ia membuktikan bahawa faktor pengurusan landskap yang efektif dan efisien adalah lebih banyak menyumbang kepada keberkesanan penyelenggaraan landskap di Taman Tasik Permaisuri berbanding faktor-faktor lain di mana ianya sedikit sebanyak turut menyumbang kepada keberkesanan penyelenggaraan lanskap di taman awam tersebut.

5.3 CADANGAN PENAMBAHBAIKAN

Justeru itu, terdapat beberapa cadangan dan penambahbaikan telah dibuat dalam menghasilkan keputusan kajian adalah lebih baik pada masa hadapan. Antaranya adalah:

5.3.1 Kepelbagaian kaedah/metodologi kajian

Kaedah yang digunapakai bagi memperolehi sesuatu data perlulah dipelbagaikan bagi memastikan tahap kebolehpercayaan dan tahap relevansi data yang diperolehi melalui kajian ini. Selain daripada kaedah-kaedah seperti temu bual, pemerhatian dan soal selidik, *focus group* juga merupakan salah satu kaedah yang perlu diambilkira dalam memastikan kajian yang dibuat mempunyai hasil dapatan yang relevan dan signifikan.

5.3.2 Skop kajian diperluaskan

Kajian ini juga perlu melibatkan kategori responden yang pelbagai seperti tahap kesihatan responden, status pengunjung, tempat tinggal pengunjung dan negeri asal pengunjung.

5.4 LIMITASI KAJIAN

Walaupun kajian ini memperlihatkan keputusan yang memberangsangkan, namun beberapa batasan kajian perlu diambilkira. Pertama, jangka masa pungutan data yang terhad menyebabkan kajian hanya berfokus kepada pengunjung di taman awam tersebut memandangkan golongan pengunjung yang hadir merupakan golongan majoriti yang berada di Taman Tasik Permaisuri tersebut. Kedua, kekurangan sokongan kewangan menyebabkan pemilihan instrumen yang ringkas semasa menjalankan kajian.

5.5 CADANGAN UNTUK KAJIAN LANJUTAN

Hasil kajian yang telah dijalankan terdapat beberapa cadangan untuk kajian lanjutan bagi menghasilkan sesuatu kajian yang lebih efektif dan berkesan. Antara cadangan kajian lanjutan adalah:

5.5.1 Perbandingan tahap kepuasan pengunjung terhadap keberkesanan penyelenggaraan landskap di semua taman awam di bawah seliaan Dewan Bandaraya Kuala Lumpur (DBKL).

5.5.2 Untuk menghasilkan sebuah taman awam yang lebih menarik dan mampan, sebuah landskap yang menarik juga perlu dititikberatkan. Oleh itu, pihak DBKL boleh melakukan kajian lanjutan berkaitan ciri-ciri tumbuhan landskap yang sesuai untuk di tanam di taman-taman awam di Malaysia berdasarkan faktor muka bumi dan keadaan cuaca di Malaysia.

Perbandingan ini akan dapat membolehkan kita melihat perbezaan pengurusan dan tatacara penyelenggaraan landskap serta melihat pencapaian prestasi penyelenggaraan landskap di semua taman awam di bawah seliaan DBKL. Keputusan akan lebih baik jika skop diperluaskan dengan mengambil responden dari penduduk kawasan sekitar taman-taman awam.

5.6 KESIMPULAN

Oleh itu, dapat disimpulkan bahawa tahap keadaan landskap yang terjaga dan tahap kebersihan yang terjamin di Taman Tasik Permaisuri menunjukkan keberkesanan penyelenggaraan landskap yang mampan melalui hasil kajian ini. Selain itu, keadaan kemudahan yang terjaga dan kedapatan aktiviti harian yang tersusun turut menyumbang kepada keberkesanan penyelenggaraan landskap di taman awam tersebut. Bagi golongan pengunjung, landskap yang cantik dapat dipertingkatkan dari semasa ke semasa namun begitu, penyelenggaraan yang

berterusan dan sistematik perlu diterapkan agar segala kemudahan dan struktur landskap di kawasan taman awam tersebut dapat dijaga dengan rapi dan baik. Usaha ini bukan hanya terletak di bahu Dewan Bandaraya Kuala Lumpur sahaja tetapi para pengunjung juga turut dipertanggungjawabkan untuk menjaga kawasan keseluruhan Taman Tasik Permaisuri. Di samping itu, hasil kajian ini turut memperlihatkan tahap kepuasan pengunjung yang hadir ke Taman Tasik Permaisuri dapat menarik lebih ramai pengunjung untuk datang beriadah dan beristirehat ke taman awam tersebut.